

## مسلم، "الرسالة"

باسم الشباب د هاذ البلاد نكتب هاذ الرسالة حيث ضاق بينا الحال و الحال حالتو حالة. مَلِي خلقنا و حنا صابرين و الصبر صبرو تسالي. كا نقولوا غا تحلى و ما زائدة غير فالبسالة. شابرين القنات كا نموتوا فيهم بالثقاله بالدروغة و الهاش كا نحاربوا البطالة، ما كا نخدموا ما كا نردموا. حياتنا ماشة نزالة. كيف الفاري كيف الأمي كُلّ شي فالشبكة الخباله. حرَفْتُ لي كيفاش نخدم حيث ما عندي شي الكاله. رجع نلور و تكالا. ولادهم هما اللولة. اذا باغي تدمّر اضرب البيكو و الباله و لا تتبع الطريق د خونتك السُرّاق و القنّاله. مسكينة الحكومه حرفلة. من دابا نفوق ما كاين شي الراحة حيث حنا دمّاله. يا غا تشوفونا شي حلّ يا غا ننوّضوا شي قرباله قبل ما يفوت الفوت. أمّا هاذي غير الرسالة.

هاذي رسالة مكتوبة بدمّ و دموع الفقراء اللي جاريين فدمي. حروف خارجه من القلب ما على بالي ش بالحرب حيث أنا مُقَيّد بُمَيّ. فبلا ما تعمل راسك غافل ولا ما عارف شي ولا باللي راك أمي. الهذرة عليك يا بنادم نّتا و هذاك و لأخر ولا بغيتوا نسّمي.

هاذي رسالة مكتوبة بدموع و دمّ الفقراء نالحكومة نالوزارة نأيّ واحد بدّل الكارة (الوجه). بغيناكم تحسّوا بينا تعرفونا باللي حنا صبّارة. بالحقّ مالي غا نثوروا الثورة ديالنا حتى نالمقبرة. حنايا ماشي غنم نتوما ماشي جزّارة. حنايا المسؤولية و نتوما المسؤولين شقّارة. صافي ما بقينا ش نخافوا خرجنا من المغارة. عقنا بكم غير الهذرة كلمتكم غدارة، قولوا لي باش كاتحسّوا مللي الشباب فحال النوّارة. ما جابر ما يعمل براسو غير كايضيع خسارة. سنين تضيع فالحبس ولا في الغربية بلاد النصاره. ولادنا فالزنقة شمكاره و بناتنا فالدعارة. كا يعيشوا حياة الزنقة اللي ردتّهم غير الحكاره حيث تا تمخّن شعار كيكي و الزبّارة و ما بقى قد ما فات و تصقّر الصقّارة. أمّا هاذه غير الرسالة بدموع الفقراء.

هاذي رسالة مكتوبة بدمّ و دموع الفقراء اللي جاريين فدمي، حروف خارجه من القلب ما على بالي ش بالحرب حيث أنا مُقَيّد بُمَيّ. فبلا ما تعمل راسك غافل ولا ما عارف شي ولا بللي راك أمي. الهذرة عليك يا بنادم نّتا و هذاك و لأخر ولا بغيتوا نسّمي.

هاذي رسالة كا تبيّنها غي الشباب، ما خلّوا فين دقّوا ما خلّوا حتى باب. بقاوا سنين يستنّوا باقي مكايين حتى جواب. صافي، القلب راه طاب و الراس على بكرى شاب. الأمل في المستقبل خاب و نتوما هما السباب، قتلتوهم بالوعود ما شافوا غير الضباب، ما كاين طريق فين يهرب. كاين غير السراب غير قتل في الأحلام ودفن تحت التراب. الخوا كلّ شي كذاب أعشيري كلّ شي نصّاب حتّى اللي جنى الغلّة اليوم ولا الحطّاب. حتّى اللي خلّى الزبل اليوم رجع يشطبّ. علاش الضمير غاب؟ حيث في قانون الغاب، الخير ما عندو حباب و الشرّ هو الغلاب و شكون تكونوا باش تحكموا علينا بهاذ العذاب؟ و دبا سمعوا محلّم في الإعراب، رباعة د ولاد.

هاذ رسالة مكتوبة بدمّ و دموع الفقراء اللي جاريين فدمي. حروف خارجه من القلب ما على بالي ش بالحرب حيث أنا مُقَيّد بُمَيّ. فبلا ما تعمل راسك غافل ولا ما عارف شي ولا بللي راك أمي. الهذرة عليك يا بنادم نّتا و هذاك و لأخر ولا بغيتوا نسّمي.